

ծին էջ ի Հօրէն, եդ զՀիմն Արարատայ Եկեղեցւոյն լուսակերտեալ Ս. Եջմիածնի:

Ողջոյն քեզ, Տուն և Առաքելական Աթոռ սրբոց Յակոբեանց:

Ողջոյն Համայն միաբանական ուխտին Հայոց, որ իբրև խաչակիր զինուոր տքնիք և պաշտէք զտնօրինական սուրբ տեղիս և ամենայն անձնուիրութեամբ պաշտպանէք զվիճակն Հայոց ցանկալին և նախանձելին Համայնից ազանց:

Ողջոյն Զեզ, Կաթուղիկոսունք և Պատրիարքունք, որ ընդիս Համալճակից եղբայր էք ի վարել և տանել զպաշտօն Քրիստոսի Եկեղեցւոյն. զիտէք թէ քան՞ մեծ է պատասխանատուութիւն մեր առաջի Մեծ Հովուպետին, զի իւրաքանչիւր ոք ի մէնջ զիւր հօտին Համարս ունի տալ:

Ողջոյն Զեզ, Հովիւք և Առաջնորդք փոքրիկ հօտին Հայոց, որ արթուն աչօք հսկէք և արածէք զհաւատացեալ հօտն Քրիստոսի, յիշելով զբան Տեառն թէ՛ «Հովիւ քաջ զանձն իւր դնէ ի վերայ ոչխարաց»:

Ողջոյն Զեզ, Վարդապետք Եկեղեցւոյ, որ ուսուցանէք և աւետարանէք զբանն կենաց. մխիթարեցէք, մխիթարեցէք զժողովուրդ, զի լի եղև տրտմութեամբ. թողեալ լիցին մեղք իւր, առէ Աստուած:

Ողջոյն Զեզ Քահանայք Բարձրելոյն Աստուծոյ, որ մատակարար էք սուրբ խորհրդոյ Եկեղեցւոյն, դաստիարակք և պահպան ընտանեկան սրբութեան, և զիտէք թէ քան՞ մեծ է պաշտօն ձեր:

Ողջոյն Զեզ, Սարկաւագունք, որ խունկ արկանէք առաջի Սեղանոյն Աստուծոյ և մատակարար էք որբոյն և աղքատին. յիշեցէք զԽազ սարկաւագն մեծին Ներսիսի՝ նմանողք լերուք նմա:

Ողջոյն Զեզ, Գպիրք, որ քաղցրաձայն երգօք շարականաց և տաղից, շարժէք զհոգին ջերմեռանդութեան ի ժողովուրդն, պաշտել և սիրել զԱստուած, դուք զվերին սրբաբան դասուցն բերէք զնմանութիւն:

Ողջոյն Զեզ, Հարք և Եղբարք վանական ուխտին, որ պահպան հրեշտակք էք մնացեալ նշխարաց վանօրէից, որք յաւեր-